

ДЕКАБРТЬ

3-це шистонза 1940 кизоня

134 (1786) №

ПИТНЕЦ 5 тр.



# Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

8-це КИЗОСЪ

Адресъ: г. Саранск,  
Советская ул., Дом печати.

## ОБОРОННАЙ СОРЕВНОВАНИЯТНЕНЬ ЙОТАФТОМС ОТЛИЧАЙСТА

ВЛКСМ-нь ЦК-ть решенианц коряс 1941-це кизоня ётафтовихть пионеронь и школьниковъ Всесоюзной военно-физкультурной соревнований.

Нят соревнованиятне ётафтовихть сянкса, штоба сувафтомс миллиотт пионер и школьник обороннай тевти, лездомс тейст военной знаниятнень овладенияса.

1941-це кизонь обороннай соревнованийтне 1940-це кизонь соревнованиятнень эзда отличаются сяв мархта, што нят соревнованиятнень эса могут примамс участия пионерхне и школьникне 5-це класста сявомок 10-це классти мо-лемс включительна, конатнень то-нафнемаса аш калдявотметкасна.

Пионерхнень и школьникнень обороннай соревнованиясна ётаф-невихть стрелбать, топографиять, связь, ПВХО-ть, ГСО-ть, физкультура коряс. Тяда башка, сорев-нованиянь сембе участникне макс-сихть нормат строевой подготов-кати коряс и примайхть участия специальной программань коряс физкультурной соревнованиясна.

Тя кизонь соревнованият-ненди республикаса аф кржа шко-лань пионер и школьник аноклаф-тольхть калдявста, школьной командатне пуропневств эряска-дозъ. Районнай соревнованиятне-ди, лама случаяса, ашесть пред-шествовандакшне соревнованият пионерский отрядтнень и школат-нень эса. Мезень сюнеда кой-коне райоттнень эзда обороннай сорев-нованиятне ульсть сявфт.

ВЛКСМ-нь райкомтне, школьной комсомольский организациятне и старшай пионервожатайхне тяд-день соревнованиятнень эзда дол-жетт тиамс вывод и обязатт ти-никиге организовадамс пионерх-нень и школьникнень ёткаса обо-роннай соревнованиятненди анок-лама работать.

Мезьста жа комсомольский ор-ганизациятне и старшай пионерво-жатайхне должетт ушедомс обо-роннай соревнованиятненди анок-лама работать?

Васендакиге эрявихть знако-мдамс пионервожатайхнень и пи-онерский активъ соревнованият-нень колга положенийа и про-граммать мархта. Тяда меле от-рядонь сборхнень эса обсужда-дамс отрядтъ соревнованиятнень эса участванди анокламань пла-нонц.

Соревнованиятненди анокламати пингста пионерский отрядонь со-веттне, а старшай класснень эса комсомольский группатне, дол-жетт ваномс звеваса, отрядса, класса работать ходонц мельге, а инь главнайсь, лездомс тейст обо-роннай работаса, заботендамс командатнень тренировкаснон кол-га, конат выделеннайхть внутри-школьной и районнай соревнова-ниятненди участникомс.

Комсомольский организациятне пионерхнень и школьникнень ёт-кса обороннай работать должетт ладямс ставя, штоба синь отряд-на, классна тюрель районнай со-ревнованиятнень эса участникомс почетнай правать сатоманц инкса.



Рузаевский железнодорожный училища ушедсть занятиятне.

СНИМКАСА: Токарный цехонь мастерсь Н. А. Ларионов знакомондакшнесыне Рыбкин А. М., Юртайкина Н. И., Ландрев Н. Т. и Горстка ученикнень инструментнень мархта.

Фотось А. Канифатьевъ.

## КОМИССИЯСЪ ЛЕЗДСЪ

Саровский ремесленный учили-щать механический мастерскойц оборудовандамаса фкя инь дея-тельной и активной участия примо-сесь машиностроительной заводонь комсомольский организациясь.

— Эряви азомс, — корхтай ВЛКСМ-нь заводской комитеттъ секретарец Колесников ялгась, — што ингольденъ ФЗУ-сь, кода шко-ла, пях йолмалъ и кржалъ слесар-най, строгальной и токарной ста-нокт. А ученикта 400. Тяса тей-нек сави лама работамс. Кочкамок ВЛКСМ-нь Темниковский райкомтъ видеса ремесленной училищань ученикнень йоткса работас коря комиссиянь четтнень, мон сявонь

инициатива, кода комиссиянь пред-седатель, — модемс заводонь дирек-торти и вешемс, штоба сон мяр-голь тейнек кочкамс тапта ста-ноктнень эзда кондастихнень. И ви-де, директорсь ашезь атказа. Минь муме 33 станок, конатнень эзда 18 ремонтнорвандафт комсомолечнеъ вииснон вельде и путфт мастер-ской. Тяфта жа кочкаме 25 тис-кальной станок и лама дия инстру-ментт, конат пях эрявихть. Комсо-молечне тистъ 200 молотоконди и напильвиконди ручкат и лама иля эрявикс инструментт.

Тяни мастерскойсь арасъ завод-ской цехокс.

## Свободнай пингста

Весяласта и интереснайста ётафнесазъ Глушка велень средний школань ученикне эсь свсбоднай пингснон. Школаса организова-дафт разнай кружокт, конатнень работаса примосихть участия пцтай сембе ученикне.

Особенна лад работай самоде-ятельностень кружокс, конанц мархта руководит биологиянь пре-подавательсь Смирнова ялгась. Школатъ драмкружокоп сонъ ру-ководстванц ала тиенди выступле-ния аф анычек Глушка велень колхозникнень инголе, но и ма-

ласа ащи колхознень эсонга.

Школаса тяфтажа аф калдяв-ста работайхть ПВХО-нь, ЮВС-нь и лия обороннай кружокне, ко-са лама ученик максозъ ни оборо-най значокс норматнень. Аф ку-нара ученикнень синценъ инициа-тиваснон коряс организовадафт математический кружок, ко-нац ётафтсь ни 2 занятият. Сембе нят кружокнень эса ётни учени-кнень свободнай пингсна. Тяса тейст весяла и интересна.

Н. Лобанов.

Кадошкинский район.

## В. И. ЛЕНИОНЪ ЛЕМСА И ФРИДРИХ ЭНГЕЛЬСТЪ ЛЕМСА ВОЕННО-ПОЛИТИЧЕСКАЙ УЧИЛИЩАТНЕНЬ НАГРАЖДЕНИЯСНА

В. И. Ленинонъ лемса Москов-ский Военно-Политический учили-щать и Фридрих Энгельсонъ лем-са Ленинградский Военно-Полити-ческий училищать 20-це годовщи-наснон ознаменованиянц инкса в Красной Армиянь политработни-

конъ анокламаса оцю успешнень инкса СССР-нь Верховнай Советтъ Президиумоц наградил кафцьке училищатнень „Красное Знамя“ ор-денца.

(ТАСС).

## ЭРЪ КОМСОМОЛЕЦСЪ ДОЛЖЕН УЛЕМС ЛЫЖНИКОКС

Ноябрь 30-це шистонза пенько-вай и консервной комбинатонь, пединститутонь и педучилищань комсомольский комитеттне эсь расширенный заседаниясост обсу-дили декабрь ковста заочнай лыж-най комсомольский соревнованият-нень ётафтомаснон колга Карело-Финский республикань комсомо-лечнень обращенияснон.

Нят сембе комсомольский ко-митеттне Карело-Финский комсо-молечнень обращенияснон одобри-ли и сявсть эсь лангзост обяза-тельстват, штоба тя тятотъ эзда комсомолечнень и аф союзнай од ломаттнень ёткаса анокламс аф 50 кржань лыжник.

Штоба тя важнай мероприятият ётафтомс успешнайста, консерв-най и пеньковой комбинатонь, пединститутонь и педучилищань комсомольский организациятне эсь ётковаст кемоктасть социалис-тический соревнованиянъ до-говорхт, конатнень коряс лыжни-конъ анокламада башка тя кизонь декабрь 25-це шистонза общег-родской лыжной кроссти кучихть: консервной комбинатонь органи-зациясь 50 комсомолец, пенько-комбинатонь — 65 и стак тов.

Тяда башка нят организациянь комитеттне макссть вал, што синь сембе комсомолечснон кармайхть улема эсь лыжасна и физкультурнай иля инвентарсна.

Консервной и пеньковой комби-натонь, пединститутонь и педучи-лищань комсомолечнень тя заме-чательнай инициативасна Мордо-виянь первичнай организациятнень, комсомолечнень и аф союзнай од ломаттнень ширде васьфти оцю поддержка и конат тяфтажа синць-ке сувайхть тя замечательнай дви-жения.

Дм. Родин.

Саранск ош.





Латвийский ССР-нь комсомолецне.

Вентспилский средний школас комсомолецне ащихть общественный эряфонь активный организаторкс.

СНИМКАСА: Комсомолецне — „Брива Дома“ („Свободная мысль“) школьный стенгазетать редколлегиянь членонза аноклахть очередной номер. Види ширеса крайтось — стенгазетать редактороц комсомолкас Велта Вилумсон ялгась. Фотось Э. Муценексть (ТАСС).

## ВЛКСМ-нь уставть аф пшкотькшнесазь

ВЛКСМ-нь уставсь ащи законкс эрь комсомолецти, и комсомольский организациятне эсь работас-шон обязатт етафнемс сонь корязонза. Но улихть первичной организацият, конат юкстась эсь ответственностнон тя тевть инкса.

Сире Исапрянь средний школань комсомольский организацияс тячимс лафча комсомольский дисциплинась. Комсомолецне сянъ вастс, штоба няфнемс отличнайста тонафнемань примерхт илядыкс учениквенди, синць ащихть дисциплинань нарушителькс. Ульсть стама фактт, мзярда комсомолецне урокса вятьсазь пряснон аф дисциплинированнайста, шорсихть класса урокть етафтоманцты.

Комсомолецне юкстась эсь работасост стама тевть, кода аф союзнай од ломаттнень ёткас работать вятманц. Тянди результатокс арась ся, што сисем ковоны пингста организациясь ашезь прима комсомолу фкявок ученик, аф ванонок сянъ лангс, што тьяса лама од ломаньда, конат достойнайхть улемс комсомолонь членкс.

Тяфтама положениясь и работань иля участкатнень эсовок. ВЛКСМ-нь комитетть секретаренцты Кузина ялгати эряви маластонь пингть кемоста кярьмодемс комсомольский организациять сембе многограннай работанццебарьгофтоманцты. Липенкин.

Инсарский район.

## УСПЕВАЕМОСТЬ КАЛЬДЯВ

Атюрьевский средний школас васенце четвертьста абсолютнай успеваемость ульсь 54 процент. 10-це „А“ классь, конац лувондов школас инь передовойкс, успеваемость 67 процент. А иляды класснень эзга успеваемость процентсь нинге сяда ёлма.

Тяста няеви, што комсомольский организациясь и сонь секретарец Тишкин ялгась юкстасе эсь основной задачанц — тюремс школас отличнайста тонафнемат, дисциплинаць кемокстаманц инкса.

П. Паркин.

П. Горьканов.

## ПРАВДИВА НЯФНЕМС КЛАССОВАЙ ТЮРЕМАТЬ

Эксплуататорский строить пингста трудящай ломаттнень стакадонга стака эряфснон и страданияснон колга пяк лама сёрматфоль и сёрматкшневи тьяниенге. Но тевсь сянъ эса, кода сёрмадомс?

Кой-кова минь писателеньке и поэтоньке пяк примитивнайста няфнесазь сире, рабский эряфть. А сембодонга примитивнайста няфнесазь эксплуататорский строить каршес народнай массатнень тюремаснон.

Пяк аф правильна ули, кда писательсь или поэтсь няфтьсь аныцек ингольден эряфть стакашинц, но аф няфтьсьне народнай массатнень будущей, валда и радостнай общественной строить инкса тюремаснон, модать лангса правды и справедливостть торжестваснонды синь глубокай верондамаснон.

„Колхозонь эряф“ журналть 1—2 № эса печатлаф Г. Ельмеевть „Полю“ поэмац. Тьяка жа журналть 5-це № эса печатлаф Н. Алемаевть „Миколкань Татусь“ поэманц 1-це пяльксоц. Полюсь и Миколкань Татусь — ня вярэ азф поэматнень

главной положительнай геройсна. Синь вельдест авторхне арьсест няфтемс ингольден проклятай эряфть, трудящай крестьяттнень эксплуататорский строить каршес тюремаснон. Но тя тевсь авторхненди ашезь удада няфтемс, кода эряви.

Аф карматама корхтама ня поэматнень сатфксснон колга, и лоткатама аныцек фкя кизефкс лангс, кода няфьеви синь эсост классовой тюреманы идеясь.

Вярэ азф поэматнень эса (коса няфьеви империалистический войнада ингольден и сяда мельден пингсь) пяк беднайста няфтьф велеса классовой тюремасы. Трудящай крестьяттне няфтьфт пассивнай массакс, конац ёфси аф сподобнай лездомс эсь освобождениянь тевонцты, вльне мезевок аф тиенди эсь освобождениянь тевонц инкса.

Г. Ельмеев „Полю“ поэманцуше-дозе аф кальдявста:

„Эрясть кальдявста  
Сокай алятне,  
Ашель модасна,  
Ашель виресна,

## ОМБА МАСТОРГА

### АНГЛО-ГЕРМАНСКИЙ ВОЙНАСЬ

Ноябрь 30-це шинц карша веть германский авиациясь тага тиендсь атакат Лондонть лангс. Германский даннайхнен коряс, тя налетть эса примась участия несколько сяда самолет, конат ёрдасть 400 тэжянь килограмма фугаснай и пяк лама зажигательнай бомба. Бомбардировщиконь крупнай соединениятне тьяфта жа атаковандазь военной объектнень Ливерпульска и Беркенхедса.

Германский информационный бюрось пачфнесы, што декабрь 1-це шинц карша веть германский авиациясь вииста бомбардировандазе Саутгемптонть. Ульсь 70 пожар, конатнень эзда ламось пяк оцюфтольхть. Сембода вии пожархт тивеств нефтехранилищатнень эса. Лондонца сообщениятнень ко-

ряс, ноябрь 29-це шистонза аделаф неделять пингста английский авиациясь тись лама вии налетт Германиять лангс, сонь оккупированнай территориянзон лангс и Италиять лангс. 42 налет ульсь тиф порттнень и судоверьфнень лангс, 7 — нефтехранилищатнень лангс, 14 — заводтнень и лия промышленнай сооружениятнень лангс, Берлинт лангс — 2 налетт, бомбардировандафт товарнай склаттне и железнодорожный вокзалхне. Италиять лангс налеттнень пингста английский самолетне Туринца атаковандазь государственнай арсеналь и „Фиат“ авиационнай заводтнень. Тьяфта жа ламоксть бомбардировандафт лама аэродром и подводнай лодкань база.

(ТАСС).

### Грециять и Италиять йоткса военной действиятне

Афинский газетатне сёрмадыхть, што греческий войскатне стаки молихть Албаниять центразонза. Наступлениясь етафневи савор, сяс мес итальянецне, получамок подкрепления, тиендихть решительнай сопротивлени.

„Време“ югославский газетась сёрмады, што Поградец ошть районца ноябрь 27-це шистонза тивесь решающей бой. Кафцьке ширетне тюрхихть оцю вийса.

Грекненди удалась кружамс Поградецть. Итальянский войскатне потасть Эльбасанть шири.

Итальянский подкреплениятне апак лотксек сашевдыхть Албани-

яв. Кода пачфнесазь американский телеграфнай агентстватне, Дурацпо албанский портти ня шитнень сась 11 итальянский транспортнай судна войска мархта, конат кучфт ви фронту. Грециять каршес тюрри итальянский авиациять лувксоц тьяфта жа мекольден шитнень ламода кассь. Итальянский самолетне стаки мольфтихть бомбардировкат греческий ошнень лангс. Греческий даннайхнен коряс, войнаны 1-це ковть пингста итальянский авиациять налетонзон эзда шавф 604 и ранендаф 1070 ломань.

(ТАСС).

### ГРЕКО-АМЕРИКАНСКИЙ ПЕРЕГОВОРХНЕ

Кода пачфнесы Ассошиэйтед Пресс американский агентствась, США-нь государственнай секретарт (иностранный тевонь министр) заместителец Уэллес азозе, што греческий посланниксь и

США-нь финансовь министрть ётка военной закупкань колга переговорахне аделавсть соглашениянь тиёмат мархта, кова удовлетворяет грекнень.

(ТАСС).

Ашель лянйсна,  
Ашель пересна...  
„Корхнесть аварькшнесть  
Сокай ломаттне,  
Кода шавондомс  
Сембе козятне.  
Сявомс модаснон,  
Сявомс виреснон,  
Сявомс лянснон синь,  
Сявомс переснон...“

Хотя эряфсь и классовой тюремасы няфтьф тьяс лафчста, примитивнайста, авторти эряволь кярьмодемс тя звенати, сонь вельденза сяда тов оржаптомс главнайть — классовой тюреманы идеять. Меклангт, авторсь аф ламода меле трудовой крестьянствать няфнесы ёфси пассивнайкс, беспомощнайкс — помещикть каршес тюремасы.

Постуф атятть Полюц траксонь стаданц мархта случайна тапафтозе баярть розенц. Поэматъ сяда товольдонь развитиянц коряс, именна тя вастса, авторти эряволь няфтемс помещикть каршес крестьяттнень ненавистьснон, а Ельмеев сёрмады:

„Вай оцю печальсь  
Мокша велети;  
Мезе максома  
Козя баярти“.

И вов: „Стадань ваномда кир-

дезь“ (постуфть) „сёронянц, максозь баярти стирьянц Полюнянц“.

Кие верондай сянди, што ся пингть велеса ашель фкявок ломань, конац ба афоль ара сюдоф постуфкять и сонь стиренц Полють шири? Неужели велеса сембе народсь тьяшкава кельгозе веронь потяй баярт? Тя, конешна, аф виде. Эряви аныцек арьсемс ся, што тя тевсь ульсь империализмань войнаны и революциянь эпохаста, мзярда сембе трудящайхне и угнетенайхне фатяфт упорнай стремлениясь сянъ инкса, штоба тюремс угнетательхнен каршес и мянемс стака, рабский эряфть эзда.

Тьяшкава пассивнайста, беспомощнайста Ельмеевсь няфнесыне велень трудящайхнен. И сембе тья эста, мзярда великай русский народсь ётась тюреманы величайшай школа 1905—1907 кизонь васенце русский революциянь пингста, мзярда велетнень эсонга ульсь ни сьяшкава оцю ненависть помещикнень и лия паразиттнень каршес, мзярда народсь аноклакшнесь вийхть, од, грядущай революцияти.

(Полатксоц моли).

Ответ, редакторсь И. ЧУДАЙКИН.